

**Broj:06-03-720-13/19/09**  
**Mostar, 22.01.2010. godine**

Na osnovu člana 14, člana 29. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stav (2), člana 37. stav (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 75. stav (1) i stav (3) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 17. Pravilnika za izdavanje dozvola-licenci („Službene novine Federacije BiH“ broj 29/05), postupajući po Zahtjevu za izdavanje dozvole za rad-licence za djelatnost opskrbe električnom energijom drugog reda broj 06-03-720/19/09 od 14.07.2009. godine podnosioca RE Energija d.o.o. Sarajevo, Regulatorna komisija za električnu energiju u Federaciji Bosne i Hercegovine-FERK je dana 22.01.2010. godine na I redovnoj sjednici donijela slijedeće

## **RJEŠENJE**

1. Izdaje se Dozvola za rad-licenca za obavljanje elektroprivredne djelatnosti snabdijevanja električnom energijom drugog reda podnosiocu zahtjeva RE Energija d.o.o. Sarajevo.
2. Dozvola za rad-licenca se izdaje na period od 22.01.2010. godine do 21.01.2012. godine, sa uslovima Dozvole koji čine njen sastavni dio.
3. Sastavni dio ovog rješenja čini Dozvola iz tačke 1. i 2. ovog rješenja.
4. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja i u „Službenim novinama Federacije BiH“.

## **O b r a z l o ž e n j e**

FERK je dana 14.07.2009. godine primio od strane podnosioca RE Energija d.o.o. Sarajevo Zahtjev za izdavanje dozvole za rad-licence za djelatnost snabdijevanja električnom energijom drugog reda upisan pod brojem 06-03-720/19/09.

Prilikom pregleda kompletnosti podnesenog zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni zahtjev nije kompletan u smislu člana 29. Pravilnika za izdavanje dozvola-licenci. Zbog navedenog FERK je, postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a, dostavio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad-licence za djelatnost snabdijevanja električnom energijom drugog reda broj 06-03-720-01/19/09 od 23.07.2009. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja.

Postupajući po Obavještenju, podnosilac zahtjeva je u FERK dana 19.08.2009. godine pod brojem 06-03-720-02/19/09, te dana 27.08.2009. godine pod brojem 06-03-720-03/19/09 dostavio dio tražene dokumentacije sa obrazloženjima.

U cilju potpunog kompletiranja dostavljene dokumentacije, FERK je podnosiocu zahtjeva 08.09.2009. godine uputio Zahtjev za informacijama broj 06-03-720-04/19/09, u povodu kojeg je isti dostavio svu traženu dokumentaciju uz Dopis primljen u FERK 17.09.2009. pod brojem 06-03-720-05/19/09, te uz Dopis primljen u FERK 19.10.2009. godine pod brojem 06-03-720-06/19/09, kao i obrazloženje vezano za istu.

Postupajući u skladu sa članom 11. Pravilnika za izdavanje dozvola-licenci, FERK je dana 09.11.2009. godine u „Dnevnom listu“ i „Dnevnom avazu“, te na svojoj web stranici, objavio Obavještenje za javnost o podnesenom Zahtjevu za izdavanje dozvole za rad-licence za djelatnost snabdijevanja električnom energijom drugog reda podnosioca zahtjeva RE Energija d.o.o. Sarajevo. Povodom Obavještenja za javnost, FERK do naznačenog roka u Obavještenju odnosno do 24.11.2009. godine, nije primio pisane komentare zainteresovanih lica na podneseni zahtjev kao ni zahtjev za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 77. stav (2) Pravilnika o javnim raspravama i rješavanju zahtjeva i žalbi FERK-a, obavijestio podnosioca zahtjeva o svojoj namjeri provođenja postupka izdavanja dozvole bez održavanja formalne rasprave, Obavještenjem broj 06-03-720-08/19/09 od 30.11.2009. godine, kojim je istom data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva nije iznio nove činjenice u vezi s predmetom postupka, te nije uputio druge komentare FERK-u.

Na osnovu provedenog postupka, u toku kojeg je izvršena pažljiva analiza svih činjenica i podnijetih dokaza na osnovi kojih se moglo utvrditi stanje stvari, FERK je u skladu sa članom 16. stav (1) Pravilnika za izdavanje dozvola-licenci pripremio nacrt Dozvole za rad-licence za obavljanje elektroprivredne djelatnosti snabdijevanja električnom energijom drugog reda po Zahtjevu broj 06-03-720/19/09 od 14.07.2009. godine, podnosioca RE Energija d.o.o. Sarajevo. Na osnovu člana 79. stav (2) Zakona o električnoj energiji, FERK je Odlukom broj 06-03-720-09/19/09 od 16.12.2009. godine usvojio nacrt Dozvole za rad-licence za obavljanje elektroprivredne djelatnosti snabdijevanja električnom energijom drugog reda, dok je Odlukom FERK-a broj 06-03-720-10/19/09 od 16.12.2009. godine ovaj nacrt upućen u proces javne rasprave, te je određeno mjesto i vrijeme održavanja opće rasprave o predmetnom nacrtu Dozvole za rad-licence, imenovan voditelj postupka, kao i da zainteresovana lica svoje usmene komentare na nacrt Dozvole za rad-licence mogu dati na općoj raspravi koja je održana 12.01.2010. godine u 11:00 sati, u Mostaru, u prostorijama FERK-a, a pisane komentare dostaviti na adresu FERK-a, kao i putem elektronske adrese do 13.01.2010. godine do 12:00 sati.

Općoj raspravi o nacrtu Dozvole za rad-licence za obavljanje elektroprivredne djelatnosti snabdijevanja električnom energijom drugog reda prisustvovao je podnosilac zahtjeva. Podnosilac zahtjeva je istakao da nema primjedbi na nacrt dozvole i da smatra da sve uslove dozvole može ispoštivati.

Do ostavljenog roka za dostavu pisanih komentara, odnosno do 13.01.2010. godine do 12:00 sati u FERK nisu primljeni pisani komentari na nacrt Dozvole za rad-licence za obavljanje elektroprivredne djelatnosti snabdijevanja električnom energijom drugog reda.

U skladu sa članom 16. Pravilnika o javnim raspravama i rješavanju zahtjeva i žalbi FERK-a, a na osnovu održane opće rasprave, voditelj postupka je pripremio pisani izvještaj uz sažetak komentara na raspravi i dao preporuku za donošenje odluke, te je iste uputio podnosiocu zahtjeva na komentare 15.01.2010. godine pod brojem 06-03-720-11/19/09.

Podnosilac zahtjeva je povodom navedenog FERK-u dostavio 19.01.2010. godine Dopis primljen u FERK pod brojem 06-03-720-12/19/09, u kojem je naveo da nema primjedbi niti komentara na izvještaj voditelja javne rasprave.

Izvještaj voditelja postupka sa komentarima podnosioca zahtjeva dostavljen je na razmatranje FERK-u dana 19.01.2010. godine pod internim brojem 06-08-104/10, a prije njegovog konačnog odlučivanja na redovnoj sjednici.

Na osnovu obrade Zahtjeva za izdavanje dozvole za rad-licence za obavljanje elektroprivredne djelatnosti snabdijevanja električnom energijom drugog reda podnosioca RE Energija d.o.o. Sarajevo i dokumentacije priložene uz zahtjev, te analize postupka opće rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u Dozvoli koja je predmet ovog rješenja podnosiocu zahtjeva postavljeni su, u skladu sa članom 34. Pravilnika za izdavanje dozvola-licenci, određeni uslovi. Spomenuti uslovi uvažavaju potrebu, ali i obavezu RE Energija d.o.o. Sarajevo da u rokovima propisanim u uslovima Dozvole za rad-licence iste ispuni, u cilju zadovoljenja općih i posebnih kriterija propisanih Zakonom o električnoj energiji i bliže propisanih članom 33. Pravilnika za izdavanje dozvola-licenci FERK-a.

Na osnovu navedenog, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a:**  
**Zdenko Šimunović s.r.**